



杜詩鈔

自壹至叁



				漢書門
		三八		
	二	四		
五	一	四		
冊	架	函	號	類

內閣文庫			
三		三八	漢
二		四	書
函	一	五	
一	七	冊	號
架			類



內閣文庫		
番號	漢	3814
冊數		5(3)
函號		212 179





書齋

日帖圖

杜詩鈔卷一之二目

宣城梅鼎祚禹金次

淺草文庫

五言古

少陵五言古苦心獨造頗涉矜持其佳者
樸茂篤至風雅未亡創為樂府詞致隱惻
亦自動人矣王元美有言青蓮擬古樂府
以已意已才發之尚沿六朝舊習不如少
陵以時事創新題也少陵自是卓識惜不

杜詩鈔

卷一之二目

二百五十五

盡得本來面目耳

卷一

遊龍門奉先寺 望嶽

贈衛八處士

戲簡鄭廣文兼呈蘇司業

玉華宮 羗村 一首

晦日尋崔戢李封

新安吏 石壕吏

新婚別 垂老別

無家別 立秋後題

佳人

有懷台州鄭十八司戶 虔虔時坐汚

賊貶台州司戶 遣興 一首

夢李白二首

卷二

前出塞九首 後出塞 二首

別贊上人

赤谷

鐵堂峽

寒峽

法鏡寺

萬丈潭

石櫃閣

成都府

青溪驛奉懷張負外十五兄之緒

寄贈王十將軍承俊

三韻一首

雨

聽楊氏歌

殿中楊監見示張旭草書圖

北風

幽人

詩金 卷一 李五

北風

幽八

吳中林屋山云日代至言則

杜詩鈔卷一

蘄水李猷

襄陽鄭繼之刻 宣城梅鼎祚選

姚江史元熙

○五言古

遊龍門奉先寺

在河南縣地志云關塞山一名伊闕而俗

名龍門 黃鶴注開元二十四年後東都作

已從招提遊更宿招提境陰壑生靈籟月

杜詩鈔

卷一

五言古

林散清影天闕象緯逼雲卧衣裳冷欲覺

聞晨鐘令人發深省語意清徹○釋書招

寺謂招提 莊子子游曰地籟則衆竅是

已人籟則比竹是已敢問天籟子綦曰夫

吹萬不同而使其自己也 韋述東都記

龍門號雙闕以與大內對峙若天闕焉蔡

條西清詩話云闕字無疑王荆公作天闕

或作天闕蔡興宗據古本作天闕章表臣

詩話引莊子用管闕天楊慎升菴詩話云

潘岳秋興賦闕天文之秘奧注引陸賈新

語楚王作乾谿之臺闕天文杜詩本此並

鑿劉辰翁評庚溪詩話王世貞藝苑卮言

並從

天闕

望嶽

泰山五嶽之長故曰岱宗

岱宗夫如何齊魯青未了造化鍾神秀陰

陽割昏曉盪胃生層雲決皆入歸鳥會當

凌絕頂一覽衆山小雖覺氣雄亦非其至

盪其胸 司馬相如賦

弓不虛發發必決皆

贈衛八處士

唐史拾遺甫與李白高適衛賓相友善時賓年

最少號小友 天寶九

載自東都歸長安作

人生不相見動如參與商今夕復何夕共

此燈燭光少壯能幾時鬢髮各已蒼訪舊
 半為鬼驚呼熱中腸焉知二十載重上君
 子堂昔別君未婚兒女忽成行怡然敬父
 執問我來何方問答未及已兒女羅酒漿
 夜雨剪春韭新炊聞黃梁聞舊作間主稱會面
 難一舉累十觴十觴亦不醉感子故意長
 明日隔山嶽世事兩茫茫劉云陽關之後此語為暢○左
傳高辛氏二子闕伯實沈居于曠林不相能也後帝遷闕伯于商丘主辰商人是依

故辰為商星遷實沈于大夏主參唐人是依故參為晉星

戲簡鄭廣文

虔兼呈蘇司業

源明天寶十

四載長安作按虔本傳玄宗愛其才置廣文館以虔為學士在官貧約澹如也

廣文到官舍繫馬堂階下醉即騎馬歸頗
 遭官長罵才名三十年坐客寒無氈賴有
 蘇司業時時乞酒錢黃庭堅云時時乞酒錢乞與也丘既切本
與多作

之淚常在人目○皇甫洵解頤新語云杜
子美夜闌更秉燭相對如夢寐誦者瘡已
郭元振又戍人偏老長征馬少肥書之妖
滅詩亦有神哉按唐詩紀事有病瘡者子
美曰吾詩可以療之夜闌更秉燭相對如
夢寐其人誦之未愈曰更誦吾詩子章觸
體血模糊手提擲還
崔大夫誦之果愈

晦日尋崔戢李封

唐貞元前以正月
晦日為令節 乾

元元年
長安作

朝光入甕牖尸寢驚弊裘起行視天宇春
氣漸和柔輿來不暇懶今晨梳我頭出門

無所待徒步覺自由杖藜復恣意免值公
與侯晚定崔李交會心真罕儔每遇得酒
傾二宅可淹留喜結仁里歡况因令節求
李生園欲荒舊竹頗脩脩引客看埽除隨
時成獻酬崔侯初筵色已畏空樽愁未知
天下士至性有此不草牙既青出蜂聲亦
暖遊思見農器陳何當甲兵休上古葛天
民不貽黃屋憂至今阮籍等熟醉為身謀

威鳳高其翔長鯨吞九州地軸為之翻百

川皆亂流當歌欲一放淚下恐莫收濁醪

有妙理庶用慰沉浮禮記儒有環堵之室蓬戶甕牖帝王世

紀女媧氏沒有大庭氏至葛天氏漢書音義黃屋車上蓋天子之儀黃繒為裏

晉書阮籍傳籍本有濟世志屬魏晉之際天下多故名士少有全者籍由是不與世

事酣飲為常鍾會數以時事問之欲致之罪酣醉獲免崔豹古今注鯨海魚大者

長千里張華博物志地有三百六十軸互相牽也

新安吏收京後作雖收兩京賊猶充

斥唐志新安縣屬河南府時郭子儀等九節度圍安慶緒于鄴城師

潰諸節度散歸本鎮子儀退保河陽留守東京至德中子儀嘗授左

僕射此下五詩並紀鄴師之役乾元二年為華州司功時作

客行新安道喧呼聞點兵借問新安吏縣

小更無丁府帖昨夜下次選中男行中男

絕短小何以守王城肥男有母送瘦男獨

伶俜白水暮東流青山猶哭聲莫自使眼

枯收汝淚縱橫眼枯却見骨天地終無情

我軍收相州日夕望其平豈意賊難料歸
軍星散營就糧近故壘練卒依舊京掘壕
不到水牧馬役亦輕况乃王師順撫養甚
分明送行勿泣血僕射如父兄

石壕吏

石壕在新安西卽西嶺陝東
戊也蔡夢弼注屬邠州時子

儀守河陽築
南北兩城

暮投石壕村有吏夜捉人老翁踰墻走老
婦出門首吏呼一何怒婦啼一何苦聽婦

前致詞三男鄴城戍一男附書至二男新
戰死存者且偷生死者長已矣室中更無
人惟有乳下孫孫有母未去出入無完裙
老嫗力雖衰請從吏夜歸急應河陽役猶
得備晨炊夜久語聲絕如聞泣幽咽天明
登前途獨與老翁別

新婚別

兔絲附蓬麻引蔓故不長嫁女與征夫不

如棄路傍結髮為妻子席不暖君牀暮婚
 晨告別無乃太匆忙君行雖不遠守邊赴
 河陽妾身未分明何以拜姑嫜父母養我
 時日夜令我藏生女有所歸雞狗亦得將
 君今死生地沉痛迫中腸誓欲隨君往形
 勢反蒼黃勿為新婚念努力事戎行婦人
 在軍中兵氣恐不揚自嗟貧家女久致羅
 襦裳羅襦不復施對君洗紅粧仰視百鳥

飛大小必雙翔人事多錯迕與君永相望

劉云曲折詳至微顯條達○詩薦與女蘿
 施于松栢古詩與君為新婚兔絲附女蘿
 漢書廣川王去為幸姬陶望卿作歌曰
 背尊章燦以忽顏師古注尊章言舅姑陳
 琳飲馬長城窟詩善事新姑嫜禮婦人嫁
 三月而告廟始謂成婚然後正名漢書
 李陵與單于戰曰士氣少衰而鼓不起者
 軍中豈有婦人乎搜得盡斬之左傳施
 氏婦曰鳥獸猶不
 失其儷子將若何

垂老別

時史思明殺安慶緒自立為
 帝土門杏園皆嚴備以待地

並在
 長安

四郊未寧靜垂老不得安子孫陣亡盡焉
 用身獨完投杖出門去同行為辛酸幸有
 牙齒存所悲骨髓乾男兒既介冑長揖別
 上官用禮介冑之士不拜老妻卧路啼歲暮衣裳單
 孰知是死別且復傷其寒此去必不歸還
 聞勸加餐土門壁甚堅杏園度亦難勢異
 鄴城下縱死時猶寬人生有離合豈擇衰
 盛端憶昔少壯日遲迴竟長嘆萬國盡征

戍烽火被岡巒積屍草木腥流血川原丹
 何鄉為樂土安敢尚盤桓棄絕蓬室居塌
 然肺肝

無家別

安史之亂目天寶十四載始

寂寞天寶後園廬但蒿藜我里百餘家世
 亂各東西存者無消息死者為塵泥賤子
 因陣敗歸來尋舊蹊久行見空巷日瘦氣
 慘悽但對狐與狸豎毛怒我啼四隣何所

有一二老寡妻宿鳥戀本枝安辭且窮棲

方春獨荷鋤日暮還灌畦縣吏知我至召

令習鼓鞞雖從本州役內顧無所攜近行

止一身遠去終轉迷家鄉既盪盡遠近理

亦齊劉云寫至此永痛長病母五年委溝

谿生我不得力終身兩酸嘶人生無家別

何以爲烝黎白樂天云杜詩最多至於賈

又過於李然撮其新安石壕潼關吏蘆子

句亦不過三四十杜尚如此况不逮者乎

○楊慎詩話云宋人以杜子美能以韻語

紀時事謂之詩史鄙哉宋人之見不足與

言詩也三百篇皆納情合性而歸道德然

未嘗有道德字道德性情句二南脩身齊

家其旨也然其言琴瑟鐘鼓苾芣芣夭

桃穠李雀角鼠牙何嘗有脩身齊家字皆

意在言外使人自悟至于變風變雅尤其

合蓄如刺淫亂則曰離離鳴鴈旭日始旦

不必曰慎莫近前丞相嗔也憫流民則曰

鴻鴈于飛哀鳴嗷嗷不必曰千家今有百

家存也傷暴斂則曰維南有箕載翕其舌

不必曰哀哀寡婦誅求盡也叙饑荒則曰

牂羊羶首三星在罍不必曰幸有牙齒存

所悲骨髓乾也王世貞卮言云楊用脩其

言甚辯而覈然不知嚮所稱皆與比耳詩

固有賦以述情切事為快不盡含蓄也語
荒而曰周餘黎民靡有子遺勸樂而曰宛
其死矣他人入室譏失儀而曰人而無禮
胡不遄死怨讒而曰豺虎不受投之有異
若使出少陵口不知用脩何如貶剝也且
慎莫近前丞相嗔樂府雅語用脩鳥是知
之余謂兩公持論不當一廢而詩史之說
誤人良亦不淺卽卮言所擷三百篇語謂
有太庸直有太健迫有大粗累者不敢以
為法而擬之意可互見因錄其詩而兩存
其說余舊鈔止
新婿別一篇

立秋後題

唐史本傳甫為華州司功屬關輔饑棄官去客秦州

是詩乾元二年

欲棄官時作

日月不相饒節叙昨夜隔玄蟬無停號秋
燕已如客平生獨往願惆悵年半百罷官

亦由人何事拘形役

劉云短語名言

佳人

二年棄官之秦州作

絕代有佳人幽居在空谷自云良家子零
落依草木關中昔喪亂兄弟遭殺戮官高
何足論不得收骨肉世情惡衰歇萬事隨
轉燭千古物情一語寫盡夫婿輕薄兒新人美如玉

合昏尚知時鴛鴦不獨宿但見新人笑那
 聞舊人哭在山泉水清出山泉水濁侍婢
 賣珠回牽蘿補茅屋摘花不挿髮采柏動
 盈掬天寒翠袖薄日暮倚脩竹似悲似訴
自言自誓
 矜持慷慨脩紫端麗○本草合歡一名合
昏至昏葉合陸倕刻漏銘合昏暮捲莫莢
朝開 崔豹古今注鴛鴦鳥類雌雄未嘗
 相離故謂匹鳥 詩終朝采綠不盈一掬

有懷台州鄭十八司戶虔虔時坐汚

賊貶台州司戶二年秦州
作下同

天台隔三江風浪無晨暮鄭公縱得歸老
 病不識路昔如水上鷗今若且中兔性命
 由他人悲辛但狂顧山鬼獨一脚蝮蛇長
 如樹呼號傍孤城歲月誰與度從來禦魑
 魅多為才名誤夫子嵇阮流更被時俗惡
 海隅微小吏眼暗髮垂素黃帽映青袍非
 供折腰具平生一杯酒見我故人遇相望
 無所成乾坤莽回互結後數語風骨蒼然
○天台山在台州三

上詩少
卷三
三百五十五

江錢塘揚子吳淞鮑照詩昔如韞上鷹
 今如檻中猿杜倣此離騷九歌有山鬼
 博物志一足曰夔山海經蝮蛇色如綬文
 大百餘觔左傳舜流四凶投之四裔以
 禦魘魅嵇阮謂嵇康阮籍嵇康書云阮
 嗣宗為禮法之士所繩故疾之為仇陶
 潛為彭澤令郡遣督郵至吏白應束帶見
 之潛曰吾不能為五斗米折腰遂棄官去

遣興集五首

賀公雅吳語在位常清狂上疏乞骸骨黃
 冠歸故鄉爽氣不可致斯人今則亡山陰
 一茅宇江海日淒涼唐史賀知章字季貞山陰人性曠夷善談

說開元間遷禮部侍郎兼集賢院學士晚
 節尤誕放自號四明狂客為秘書外監天
 寶初夢游帝居乃請為道士還鄉里詔許
 之以宅為千秋觀賜鏡湖一曲世說劉
 真長見王丞相既出人問見王公云
 何答曰未見他異唯聞作吳語耳

夢李白二首

白以坐永王璘流夜郎放還復坐事下潯陽獄

死別已吞聲生別常惻惻江南瘴癘地逐
 客無消息故人入我夢明我長相憶恐非
 平生竟路遠不可測竟來楓林青竟返關
 塞黑今君在羅網何以有羽翼落月滿屋

梁猶疑照顏色

劉云偶然實境不可更過

水深波浪闊

無使蛟龍得

宋玉招魂湛湛江水今上有楓○楊慎云落月照屋梁猶

疑見顏色言夢中見之而覺其猶在即夢中魂夢猶言是覺後精神尚未回也詩本

淺宋人看得太深傳神之說非是楊此論甚確而劉辰翁評已先之田藝蘅留青

日札云陳詩月出皎兮佼人僚兮李太白送祝八若見天涯思故人浣紗石上窺明

月杜子美夢李白落月滿屋梁猶疑見顏色常建宿王昌齡隱處松際露微月清光

猶為君王昌齡贈馮六元二山月出華陰開此河渚霧清光比故人豁然展心悟以

月比人皆出白篇也

二

浮雲終日行遊子久不至三夜頻夢君情

親見君意告歸常局促苦道來不易江湖

多風波舟楫恐失墜出門搔白首苦負平

生志冠蓋滿京華斯人獨顛顛斯人顛顛冠蓋媿矣

孰云網恢恢將老身及累千秋萬歲名寂

莫身後事人情鬼語情至語塞○古詩浮雲蔽白日遊子不顧反老子天

網恢恢疎而不漏阮籍詩千秋百歲後榮名安所之

每讀劉司空豈意百鍊剛化為繞指柔未
嘗不敬歎罷酒至少陵千秋萬歲名寂莫
身後事輒黯
然低回久之

此句... 又入... 長又累千... 萬... 齊...
主志... 蓋... 燕... 華... 淇... 入... 豈... 醉...
多風... 如... 飛... 跼... 恐... 夫... 壑... 出... 門... 辭... 白... 首... 苦... 骨... 平...
賺... 具... 吾... 意... 告... 語... 當... 自... 對... 苦... 道... 來... 不... 長... 工... 賦...
判... 雲... 絲... 日... 行... 遊... 千... 久... 不... 至... 三... 交... 映... 映... 昏... 計...

杜詩鈔卷二

蘄水李猷

襄陽鄭繼之刻 宣城梅鼎祚選

姚江史元熙

○五言古

前出塞九首

前後出塞詩並乾元時在秦州思天寶間事作

戚戚去故里悠悠赴交河公家有程期
命嬰禍羅君已富土境開邊一何多棄絕

杜詩鈔

卷二

李五

父母恩吞聲行負戈

唐志西州有交河郡河流分繞城下因名

漢書竇榮亡命山林注云命名也謂脫其名籍而逃亡此詩意似不然猶言判命

二

出門日已遠不受徒旅欺骨肉恩豈斷男

兒死無時走馬脫轡頭手中挑青絲捷下

萬仞岡俯身試塞旗

劉云賦至此極可壯可傷○梁簡文詩青

絲懸玉鞵又宛轉青絲鞵左太冲賦斬將塞旗

三

磨刀鳴咽水水赤刃傷手欲輕腸斷聲心

緒錯已久

劉云又緩而怨

丈夫誓許國憤惋復何

有功名圖麒麟戰骨當速朽

隴頭歌隴頭流水鳴聲幽

咽遙望秦川肝腸斷絕麟閣宣帝時圖功臣十一人于其中

漢書武帝作麟死欲速朽

四

送徒既有長遠戍亦有身生死向前去不

勞吏怒嗔路逢相識人附書與六親哀哉

兩决絕不復同苦辛

使人不可讀不可不讀○史記漢高祖初

為亭長為縣送徒驪山

五

迢迢萬餘里領我赴三軍軍中異苦樂主

將寧盡聞

劉云眼前語意中事亦極哀怨之體

隔河見胡騎

倏忽數百羣我始為奴僕幾時樹功勲蔡注

引衛青少時父使牧羊皆奴畜之後拜侯非也此奴僕言為士卒耳

六

挽弓當挽疆用箭當用長射人先射馬擒

賊先擒王殺人亦有限立國自有疆苟能

制侵陵豈在多殺傷

故是名言止戈為武亦是此意

七

驅馬天雨雪軍行入高山逕危抱寒石指

落曾冰間已去漢月遠何時築城還浮雲

暮南征可望不可攀

漢書高祖將兵擊匈奴會冬雨雪士卒墮

指者十二三 鮑照詩北風驅鴈天雨霜

八

單于寇我壘百里風塵昏雄劍四五動彼

軍為我奔虜其名王歸繫頸授轅門潛身

備行列一勝何足論越絕書楚王作鐵劍

與師圍城三年不解楚引太阿之劍登城

而麾之三軍破敗漢書霍去病衛青擊

匈奴虜名王貴人以百數周禮設中宮

九

從軍十年餘能無分寸功眾人貴苟得欲

語羞雷同苦心厚道中原有鬪爭况在狄與戎

丈夫四方志安可辭固窮

後出塞二首

天寶中安祿山自幽州起兵陷河洛薊門幽燕

地集五首

男兒生世間及壯當封侯戰伐有功業焉

能守舊丘召募赴薊門軍動不可留千金

買馬鞍百金裝刀頭閭里送我行親戚擁

道周斑白居易上列酒酣進庶羞少年別有

贈含笑看吳鈞

吳越春秋吳王闔閭命國中作金鈞賞之百金吳鈞

本此古木蘭詞東市買駿馬西市買鞍韉杜法用此

二

朝進東門營暮上河陽橋落日照大旗馬

鳴風蕭蕭平沙列萬幕部伍各見招中天

懸明月令嚴夜寂寥悲笳數聲動壯士慘

不驕借問大將誰恐是霍嫖姚劉云此詩之妙可以

招魂復起○東門洛都門河陽洛都詩

蕭蕭馬鳴言不諱也漢書霍去病為嫖

姚校尉顏師古作妙兆反荀悅漢紀作票

鷄惟服虔音飄搖○前後出塞似古樂府

序情閑勞一如親歷蓋正以

質勝爾在后人便多點綴

別贊上人

贊京師大雲寺主從房瑄游瑄得罪贊亦安置秦州

百川日東流客去亦不息我生苦漂蕩何

時有終極贊公釋門老放逐來上國還為

世塵嬰頗帶憔悴色楊柳晨在手豆子雨

已熟是身如浮雲安可限南北異縣逢舊

友初欣寫胸臆天長關塞寒歲暮饑凍逼
 野風吹征衣欲別向曛黑馬嘶思故櫪歸
 鳥盡斂翼古來聚散地宿昔長荆棘相看
 俱衰年出處各努力慘黯動人○釋氏書
 手把青楊枝偏灑甘
露之水崔玄見習鑿齒曰豆子熟矣張巨
 云豆子眼中黑精無邪視也趙汭注楊柳
 者見贊春時猶為寺主來秦州而忽豆熟
 之際矣雖淺似是蔡夢弼注雨或作兩○
 阮宏休詩總云蘇子瞻送小本禪師赴法
 雲詩是身如浮雲安可限南北乃杜詩全
 語

赤谷

地理志赤谷在秦州崦嵫山之
 東此下並乾元二年自秦州

如同谷至成都作韓子蒼云此詩
 筆力變化當與太史公諸贊方駕

天寒霜雪繁遊子有所之豈但歲月暮重
 來未有期妻婉具是晨發赤谷亭險艱方自茲
 亂石無改轍我車已載脂山深苦多風落
 日童稚饑悄然村墟迴煙火何由追貧病
 轉零落故鄉不可思常恐死道路永為高
 人嗤

鐵堂峽

山風吹遊子縹緲乘險絕
 硤形藏堂隍壁色立積鐵
 徑摩寄蒼蟠石與厚地裂
 脩織無限竹嵌空太始雪
 威遲哀壑底徒旅慘不悅
 水寒長冰橫我馬骨正折
 生涯抵弧矢盜賊殊朱滅
抵字可傷飄蓬踰三年回首肝肺熱

寒峽

行邁日悄悄山谷勢多端
 雲門轉絕岸積阻霾天寒
 寒峽不可度我實衣裳單
 况當仲冬交泝泐增波瀾
 野人尋煙語行子傍水餐
 此生免荷戈未敢辭路難
劉云怨傷忠厚○詩
荷戈與戈古今注及戟之遺象

法鏡寺

身危適他州勉強終勞苦
 神傷山行深愁破崖寺古
 嬋娟碧蘚淨蕭摵寒籜聚
 洄洄

山根水冉冉松上雨洩雲蒙清晨初日翳
復吐朱薨半光炯戶牖粲可數拄策忘前
期出蘿已亭午冥冥子規叫微徑不復取

王洙注冬行而聞子規南中地氣暖也

萬丈潭

在同谷縣一名鳳凰潭兩山危立泓澄萬丈

青溪合冥冥神物有顯晦龍依積水蟠窟
壓萬丈內跼步凌垠堦側身下煙靄前臨
洪濤寬却立蒼石大山危一徑盡岸絕兩

壁對削成根虛無倒影垂澹瀨黑如灣濘
底清見光炯碎孤雲倒來深飛鳥不在外
高蘿成帷幄寒冰壘旌旆遠川曲通流嵌
竇潛洩瀨造幽無人境發興自我輩告歸
遺恨多將老斯遊最閉藏脩鱗蟄出入巨
石礙何事炎天過快意風雨會

語語矜到淮南子

垠堦端崖也削成山峰倒景日光澹瀨水帶沙往來康協終南行楓丹杉碧壘旌

立

土詩少

卷二

李五 雁來石室

石櫃閣

發同谷入蜀作閣當在棧道間

季冬日已長山晚半天赤蜀道多草花江
 間饒竒石石櫃曾波上臨虛蕩高壁清暉
 廻羣鷗暝色帶遠客唐子西語錄云如江
至此則羈棲負幽意感歎向絕跡信其孱
 懦嬰不獨凍餒迫優游謝康樂放浪陶彭
 澤吾衰未自由謝爾性有適謝靈運襲封康樂公

成都府

翳翳桑榆日照我征衣裳我行山川異忽
 在天一方但逢新人民未卜見故鄉大江
 東流去遊子去日長曾城填華屋季冬樹
 木蒼喧然名都會吹簫間笙簧信美無與
 適側身望川梁鳥雀夜各歸中原杳茫茫
 初月出不高衆星尚爭光劉云語次寫景注者胥胥傳會
可厭可自古有羈旅我何苦哀傷王粲荆
為知言
賦雖信美而非吾土兮曾何足以久留○
紀行諸篇斤斤就古羈旅情景宛然在目

青溪驛奉懷張員外十五兄之緒青溪

驛在嘉州捷為縣 永泰元年去蜀道中作

漾舟千山內日入泊荒渚我生本飄飄今

復在何許石根青楓林猿鳥聚儔侶月明

遊子靜畏虎不得語雖短語故有深致中夜懷友

朋乾坤此深阻浩蕩前後間佳期付荆楚

寄贈王十將軍承俊

將軍膽氣雄臂懸兩角弓發端近古王維風勁角弓鳴將

軍瀟渭城似之纏結青驄馬出入錦城中時危未

受鉞勢屈難為功賓客滿堂上何人高義

同

三韻永泰元年秋雲安作 集三篇

高馬勿捶面長魚無損鱗辱馬馬毛焦困

魚魚有神君看磊落士不肯易其身

雨集三首 元年秋夔州作下同

峽雲行清曉煙霧相徘徊風吹滄江去雨

上詩少

卷二

九百五十九

灑石壁來淒淒生餘寒殷殷兼出雷白谷
 變氣候朱炎安在哉高鳥濕不下居人門
 未開楚宮久已滅幽佩為誰哀侍臣書王
 夢賦有冠古才冥冥翠龍駕多自巫山臺
 詩殷殷其雷 宋玉高唐賦序先王嘗游
 高唐夢一婦人曰巫山之女為高唐之客
 王因幸之去而辭曰妾在巫由之陽高丘
 之阻旦為朝雲暮為行雨朝朝暮暮陽臺
 下之

聽楊氏歌

佳人絕代歌獨立發皓齒滿堂慘不樂響
 下清虛裏江城帶素月况乃清夜起老夫
 悲暮年壯士淚如水玉盃久寂寞金管迷
 宮徵勿云聽者疲愚智心盡死古來傑出
 士豈待一知己吾聞昔秦青傾側天下耳

情景幽怨○李延年歌北方有佳人絕代
 而獨立 列子秦青撫節悲歌聲振林木
 響遏行雲○趙注玉盃久寂寞言不敢為
 聲金管迷宮徵言聲之不逮以形容此歌
 聲之獨妙誤矣此
 白杜老感懷耳

殿中楊監見示張旭草書圖

旭注前八仙歌

斯人已云亡草聖祕難得及茲煩見示滿
 目一悽惻悲風生微綃萬里有古色鏘鏘
 鳴玉動落落羣松直連山蟠其間溟漲與
 筆力有練實先書臨池真盡黑俊拔為之
 主暮年思轉極未知張王後誰並百代則
 嗚呼東吳精逸氣感清識楊公拂篋筭舒
 卷忘寢食念昔揮毫端不獨觀酒德書史張伯

英家有衣帛必先書而後練王羲之臨池作書池水盡黑晉劉伶好飲有酒德頌

北風

大曆三年公安作

北風破南極朱鳳日威垂洞庭秋欲雪鴻
 鴈將安歸十年殺氣盛六合人煙稀吾慕
 漢初老時清猶茹芝陳留志韋庚字宣明常居園中世謂園公
與河內枳人何里先生綺里季夏黃公為友辟秦入商山是謂四皓嘗有歌曰紫芝
 燁燁兮可以療饑漢高帝初徵之不至

幽人

三年冬去公安適岳陽作

孤雲亦羣遊神物有所歸麟鳳在赤霄何
 當一來儀往與惠詢輩中年滄洲期天高
 無消息棄我忽若遺內懼非道流幽人見
 瑕疵洪濤隱語笑鼓枻蓬萊池崔嵬扶桑
 日照耀珊瑚枝風帆倚翠蓋暮把東皇衣
 嚙漱元和津所思煙霞微知名未足稱局
 促商山芝五湖復浩蕩歲暮有餘悲非淺
使人慨慕○蔡注麟疑作靈趙注引南史
寶誌見徐陵曰天上石麒麟則麟亦可言

在赤霄然不可言來儀也書蕭韶凡成鳳
 皇來儀作靈為是 晉高僧惠遠與許詢
 為方外之友師注引唐史拾遺惠昭荀珏
 與甫友善甫思之作是詩 扶桑生碧海
 中日初出照此木 中黃經但服元和
 除五穀必獲寥天得其錄謂津液也

杜詩鈔卷二 畢

杜詩鈔

卷二

李五鹿裘石室

新正婦必蕪寒天野其益隨事來也
中日所出照此木 中黃鑑則照亦叶
與甫文善甫思之并長精 其桑生嘗
為古以之文補去 臣書史計費忠節皆五
皇來難并靈為異 晉高僧惠彭與范
在赤霄然不可言來難也昔蕭昭

杜詩鈔卷三之四目

宣城梅鼎祚禹金次

七言古

余讀何仲默明月篇序云杜子七言詩歌
其噉事切實布辭沉着而調失流轉又以
子美博涉世故致兼雅頌而風人之義或
闕此其調反在唐初四子之下及李于鱗
則謂惟子美不失初唐氣格而縱橫有之

要所持論皆非無當甘辛澡濕善用者當
必有調劑矣

卷三

飲中八仙歌 今夕行

高都護驄馬行 兵車行

玄都壇七言六韻寄元逸人

樂遊園歌晦日賀蘭楊長史筵醉中

作

貧交行

醉時歌贈廣文館學士鄭虔

麗人行 羨陂行

醉歌行

奉先劉少府新畫山水障歌

驄馬行

蘇端薛復筵簡薛華醉歌

哀王孫 曲江三首

悲陳陶

哀江頭

卷四

送孔巢父謝病歸游江東兼呈李白

洗兵馬

戲題王宰畫山水圖歌

乾元中寓居同谷縣作歌七首

短歌行贈王郎司直

大麥行

陪王侍御餞登東山最高頂宴姚通

泉携酒泛江

韋諷錄事宅觀曹將軍畫馬圖引

丹青引贈曹將軍霸

天邊行

莫相疑行

古栢行

秋風一首

魏將軍歌

觀公孫大娘弟子舞劍器行并序

夜聞簾築

復陰

折檻竹

醉歌行贈公安顏少府請顧八題壁

發劉郎浦

朱鳳行

卷三之四目終

柱詩鈔卷三

蘄水李猷

襄陽鄭繼之刻 宣城梅鼎祚選醇

姚江史元熙

○七言古

飲中八仙歌 唐史李白與賀知章李適之汝陽王璣崔宗之

蘇晉張旭焦遂為酒八僊 天寶初長安作下同

知章騎馬似乘船眼花落井水底眠汝陽

三斗始朝天道逢麴車口流涎恨不移封
 向酒泉左相日興費萬錢飲如長鯨吸百
 川街盃樂聖稱避賢一作世賢謬宗之瀟灑美
 少年舉觴白眼望青天皎如玉樹臨風前
 蘇晉長齋繡佛前醉中往往愛逃禪李白
 一斗詩百篇長安市上酒家眠天子呼來
 不上船自稱臣是酒中僊張旭三盃草聖
 傳脫帽露頂王公前揮毫落紙如雲煙焦

遂五斗方卓然高談雄辯驚四筵

劉云不理

各極醉趣古無此体無此妙○賀知章會稽人少為秘書監汝陽王璉嘗於明皇前醉不能下殿上命掖出之璉謝罪曰臣以三斗壯膽不覺至此李適之天寶初為左相後為李林甫所中罷有詩云避賢初罷相樂聖且銜杯崔宗之為侍御史謫金陵與李白善詩酒唱和蘇晉頌之子學浮屠術得胡僧繡彌勒佛一本寶之嘗曰是佛好米汁與吾性合吾願事之李白為供奉時玄宗泛白蓮池召白作序時已被酒命高將軍扶掖登舟張旭善草書每大醉呼以爲神因呼曰顛焦遂口吃割客不出一言醉後酬酢如注射時目為酒喫見唐書

唐史拾遺范傳正李白墓碑容齊隨筆
 地理志漢武帝置酒泉郡城下有泉味甘
 如酒後漢張芝工草書韋仲將謂之草
 聖○蔡條云此歌重叠用韻嘗質之叔父
 元度云此歌分入篇人人各異刘辰翁云
 入篇近之吾意復如題盡人目一二語集
 歌之成

今夕行

今夕何夕歲云徂更長燭明不可孤咸陽
 客舍一事無相與博塞為歡娛馮陵大叫
 呼五白袒跣不肯成梟盧英雄有時亦如

此邂逅豈節非良圖君莫笑劉毅從來布

衣願家無儋石輸百萬不淺不深豪致可喜○莊子問毅奚

事則博塞以遊尹文子博盡關塞之宜得

周通之路劉向說苑塞行棋相塞謂之塞

齒也梟勝也半倍勝也南史劉毅於東

府聚樗蒲次擲得雉大喜叫曰非不能盧

不事此耳劉裕惡之因援五木父之曰老

兄試為卿答既而四子俱黑有一子轉躍

未定裕厲聲喝之即成盧後桓玄聞毅起

兵曰毅家無儋石之儲樗蒲一擲百萬共

舉大事何謂無成又慕容寶與韓黃李根

上詩少

卷三

三百九十一

卷三

溪詩話澄江朱正民云今夕行咸陽客舍
一事無相與博塞為歡娛措意不苟蓋謂
窮冬佳節旅中永夜無事方可為
自遺耳他時不可也鑿甚可笑

高都護驄馬行

唐書高僊芝開元末
為安西副都護舊注

以為高適
鶴注云非

安西都護胡青驄聲價歛然來向東

劉云
俚

此馬臨陣久無敵與人一心成大功

亦是
累句

功成惠養隨所致飄飄遠自流沙至雄姿

未受伏櫪恩猛氣猶思戰場利跪促蹄高

如培鐵交河幾蹴曾冰裂五花散作雲滿

身萬里方看汗流血長安壯兒不敢騎走

過掣電傾城知青絲絡頭為君老何由却

出橫門道

唐志安西去交河七百里貞觀
中置安西都護府于西州顯慶

中移龜茲城
養蔭本枝今

顏延年楮白馬賦願終惠
天馬歌天馬來從西極涉

流沙九夷服又體容與兮馳萬里霑赤汗

今沫流赭相馬經馬腕欲促促則健蹄

欲高高則耐險峻隋丹元子步天歌五
箇花文王良星王良馬星馬鬣剪為五花

或三花皆象天文星義舊注云大宛國多
善馬嶠山上有馬不可得因取五花牝馬

置其下與集生駒號為天馬子 崔豹古
 今注秦始皇有七名馬一名追電 古樂
 府青絲纏馬尾黃金絡馬頭 三輔黃圖
 長安城北出西第一門曰橫門 ○許彥周
 詩話云客言李杜詩中說馬如相馬經有
 能過之者乎僕曰毛詩過之兩驂如舞此
 駟過所謂花踏羊行是也兩驂如手此駟
 所謂熟使喚是也思之便覺走過掣電傾
 城知與神行恍惚為難騎耳 楊慎云馬
 之為物最神駿故古之詩人盡工皆借之
 以寄其精工若杜工部蘇東坡諸詩極其
 形容殆無餘巧予又愛杜公作九馬贊云
 姚宋廟堂李郭治兵帝下毛
 龍以馭羣英何其雄偉也

兵車行

歸長安作時玄宗用兵吐蕃
 哥舒翰築神威軍於青海上

吐蕃攻破之又築城於青海中詩蓋托諷漢武爾

車麟麟馬蕭蕭行人弓箭各在腰耶孃妻

子走相送自注云古樂府不聞爺娘哭塵

埃不見咸陽橋牽衣頓足攔道哭哭聲直

上干雲霄道旁過者問行人行人但云點

行頻或從十五北防河便至四十西營田

去時里正與裹頭歸來頭白還戍邊邊庭

流血成海水武皇開邊意未已君不見漢

家山東二百州千村萬落生荆杞縱有健
 婦把鋤犁禾生隴畝無東西况復秦兵耐
 苦戰被驅不異犬與雞長者雖有間役夫
 敢伸恨且如今年冬未休關西卒縣官急
 索租租稅從何出信知生男惡反是生女
 好生女猶得嫁比隣生男埋沒隨百草君
 不見青海頭古來白骨無人收新鬼煩冤
 舊鬼哭天陰雨濕聲啾啾

詩有車麟麟又
蕭蕭馬鳴點

行者漢中謂之更行以丁籍點照上下更
 換差役防河謂築堤備河水汎決或謂亦
 防虜渡河耳營田謂無事則耕有事則戰
 李華吊古戰場文往往鬼哭天陰則聞

玄都壇七言六韵寄元逸人

壇漢武帝所築

在長安南山子午谷中
 寶十一載長安作下同
 天

故人昔隱東蒙峰已佩含景蒼精龍故人
 今居子午谷獸在陰崖結茅屋屋前太古
 玄都壇青石漠漠常風寒子規夜啼山竹
 裂玉母晝下雲旗翻知君此計誠長往芝

草琅玕日應長鐵鑱高垂不可攀致身福

地何蕭爽

地理志東蒙山屬兗州

春秋

端劍銘含景吐商神僊傳周穆王與王毋會於瑤池雲旗霓裳擁簇自天而下按

揚慎云齊郡函山有鳥名王母使者昔漢武帝上山得玉函長五寸帝下山函化為

鳥飛去世傳山上有王母藥函常令鳥守之杜詩用此漢武內傳王母曰太上之

藥有廣庭芝草碧海琅玕道藏經晉時有戊卒屯子午谷入谷之西澗水窮處忽

見鐵鎖下垂約百餘丈戊卒欲挽引而上有虎蹲踞焉

樂遊園歌晦日賀蘭楊長史筵醉中

作

西京雜記樂遊園漢宣帝所立巨長安中唐時太平公主於原上置

亭遊賞每上巳重陽後禊登高車馬填塞朝士詞人賦詩翌日傳於

京師唐志德宗前以正月晦日上巳重陽為三令節

樂遊古園翠森爽煙綿碧草萋萋長公子

華筵勢最高

劉云勢字似無見

秦川對酒平如掌

長生木瓢示真率更調鞍馬狂歡賞青春

波浪芙蓉園白日雷霆夾城伏闈闔晴開

詠蕩蕩曲江翠幕排銀榜拂水低迴舞袖

翻緣雲清切歌聲上婉約有態却憶年年人醉

時只今未醉已先悲數莖白髮那拋得百

罰深杯亦不辭聖朝亦知賤士醜一物自

荷皇天慈此身飲罷無歸處獨立蒼茫自

詠詩劉云每誦此結不自堪○三秦記長安正南秦嶺嶺根水流為秦川西

京記玄宗開元間築夾城自大明宮至西

江漢禮樂志遊閭闔觀玉臺又天門開

誅蕩蕩閭闔即天門晉潘尼洛水詩翠

幕映洛湄沈炯林屋館記崑山平圃銀

輝勝州

貧交行

翻手作雲覆手雨紛紛輕薄何須數君不

見管鮑貧時交此道今人棄如土劉云只從俗諺

畧證古意○史記管仲少時與鮑叔牙游仲累窮困鮑叔終善遇之故仲嘗曰生我

者父母知我者鮑子也

醉時歌贈廣文館學士鄭虔天寶十

是年八月京城霖雨米貴令出太倉米糴與貧人甫時困長安亦在

其數

諸公袞袞登臺省。廣文先生官獨冷。甲第
紛紛厭梁肉。廣文先生飯不足。先生有道
出羲皇。先生有文過屈宋。德尊一代常軾
軻。名垂萬古知何用。杜陵野客人更嗤。被
褐短窄鬢如絲。日糴太倉五升米。時赴鄭
老同襟期。得錢卽相覓沽酒。不復疑忘形
到爾汝。痛飲真吾師。清夜沉沉動春酌。燈
前細雨簷花落。但覺高歌有鬼神。焉知餓

死填溝壑。相如逸才親滌器。子雲識字終
投閣。先生早賦歸去來。石田茅屋荒蒼苔。
儒術於我何有哉。孔丘盜跖俱塵埃。不須
聞此意慘愴。生前相遇且銜盃。開闔動盪
不厭不憾

○漢書高祖詔列侯食邑皆賜大第室注
有甲乙次第故曰第 漢書禰衡與孔融
作爾汝交 司馬相如與卓文君俱之臨
叩賣車騎置酒舍文君當鑪相如滌器
劉棻嘗從楊雄學奇字王莽立棻以獻符
命被竄辭聯雄雄時校書天祿閣恐不能
免乃從閣上
自投下幾死

麗人行

明皇時貴妃擅寵三姊封韓國隣居或並轡入朝又夫人從車駕幸華清宮會國忠第唐時曲江遊宴惟上巳中和最盛麗人行諷也天寶十三載長安作

三月三日天氣新長安水邊多麗人態濃

意遠淑且真肌理細膩骨肉勻

劉云身親見之自與

想像次第不同繡羅衣裳照暮春感金孔雀銀麒麟

頭上何所有翠為鬋葉垂鬢唇背後何

所見珠壓腰袂穩稱身足下何所着紅渠

羅襪穿燈銀

舊無二語

就中雲幕椒房親賜名

大國號與秦紫駝之峰出翠釜水精之盤

行素鱗犀筋厭飫久未下鑿刀縷切空紛

綸黃門飛鞚不動塵

劉云形容驕貴自是氣象

御厨絲

絡送八珍簫鼓哀吟感鬼神賓從雜遝實

要津後來鞍馬何逡巡當軒下馬入錦茵

楊花雪落覆白蘋青鳥飛去銜紅巾

劉云次第

宛然極當時擁從如雲衝拂開合綺麗駿捷之盛

炙手可熱勢絕

倫慎莫近前丞相嗔。

劉云後來鞍馬丞相所寵嬖者又過秦虢

意極可想

許彥周詩話云老杜麗人行

賜名大國虢與秦其卒曰慎勿近前丞相

嗔虢國秦國何預國忠事而近前即嗔耶

東坡言老杜似司馬遷蓋深知之○蔡夢

弼注鬻葉婦人鬢花以翠羽鋪飾腰袂即

今之裙帶贅珠其上壓而不垂南都賦羅

襪躡蹠而容與漢書皇后稱椒房取蕃

實之義索馳脊上肉高如峰者味最美

詩執其鑿刀注刀有鑿者割中節也

漢書注禁中黃門謂閹人居禁中在黃門

內給事者周禮膳夫珍用入物謂淳熬

丹炮豚炮牂擣珍漬熬肝膋也山海經

注青鳥主為西

王毋取食者

漢陂行

漢陂雲際山大定寺並鄂縣終南山長安藍田關藍田縣

岑參兄弟皆好奇攜我遠來遊漢陂天地

黯慘忽異色波濤萬頃堆琉璃琉璃漫汗

泛舟入事殊興極憂思集鼉作鯨吞不復

知惡風白浪何嗟及主人錦帆相為開舟

子喜甚無氛埃鳧鷖散亂棹謳發絲管啁

啾空翠來沉竿續蔓深莫測菱葉荷花靜

如拭宛在中流渤澥清下歸無極終南黑

半坡已南純浸山動影裊窈冲融間船舷
 暝憂雲際寺水面月出藍田關此時驪龍
 亦吐珠馮夷擊鼓驪龍趨湘妃漢女出歌
 舞金支翠旗光有無咫尺但愁雷雨至蒼
 茫不曉神靈意少壯幾時奈老何向來哀
 樂何其多慘黯之容窈渺之思寫景入微遠近具足○參參試大理評事攝監察御史後甫薦為補闕
馮夷河伯湘妃舜二妃以舜南巡不返沉湘水死漢女鄭交甫遊漢江見二女解珮與之漢禮樂志金支秀華赤旄翠旌

漢武帝秋風辭歡樂極兮哀情多少壯幾時兮奈老何杜全用其語而諸注未及

醉歌行從弟勤落第歸作此以別之

陸機二十作文賦汝更小年能綴文總角
 草書又神速世上兒子徒紛紛驛駟作駒
 已汗血驚鳥舉翮連青雲詞源倒流三峽
 水筆陣獨掃千人軍只今年纔十六七射
 策君門期第一舊穿楊葉真自知暫蹶霜
 蹄未為失偶然擢秀非難取會是排風有



毛質汝身已見唾成珠汝伯何由髮如漆
 春光淡沱秦東亭渚蒲芽白水荇青風吹
 客衣日杲杲樹攬離思花冥冥酒盡沙頭
 雙玉餅衆賓皆醉我獨醒乃知貧賤別更
 苦吞聲躑躅涕淚零

語濃至而情黯慘○
 晉書陸機字士衡年
 二十作文賦 漢書蕭望之以射策甲科
 為郎 史楚有養由基者去柳葉百步而
 射之百發百中 莊子馬蹄可以踐霜雪
 漢趙壹傳咳唾成珠玉 何注秦東亭
 卽京城門外東
 亭人送別處

奉先劉少府新畫山水障歌

奉先舊
浦城屬

長安故曰赤縣劉時為尉以其邑
山水為圖 天寶十四載長安作

堂上不合生楓樹怪底江山起煙霧聞君
 掃却赤縣圖乘興遣畫滄洲趣畫師亦無
 數好手不可遇對此融心神知君重毫素
 豈但祁岳與鄭虔筆迹遠過楊契丹得非
 玄圃裂無乃瀟湘翻悄然坐我天姥下耳
 邊已似聞清猿及想前夜風雨急乃是蒲

城鬼神入元氣淋漓障猶濕真宰上訴天
 應泣野亭春還雜花遠漁翁暝踏孤舟立
 滄浪水深青溟闊欹岬側島秋毫末不見
 湘妃鼓瑟時至今斑竹臨江活劉侯天機
 精愛盡入骨髓自有兩兒郎揮灑亦莫比
 大兒聰明到能添老樹巔崖裏小兒心孔
 開貌得山僧及童子若耶溪雲門寺吾獨
 胡為在泥滓青鞋布襪從此始末段步驟
如雨過迴

塘聲飛碎玉開簾縱觀寂然而止 劉云
 情景玄澹脫活自在 ○ 祁岳鄭虔並善畫
 虔畫稱一絕隋楊素畫傳于契丹故曰楊
 契丹 滄洲在海外玄圃在崑崙並僊境
 瀟湘二水名吳越志天姥山與括蒼相連
 博物志舜死二妃淚下染竹竹斑妃死
 為湘水神 楚詞使湘靈鼓瑟兮 南史
 何胤字子寄隱居不仕以會稽多名山水
 往游焉居若耶山雲門寺

驄馬行太常良卿勅賜馬也李鄧公
 愛而有之命甫製詩天寶十四載
奉先縣作
 鄧公馬癖人共知初得花驄大宛種夙昔

傳聞思一見牽來左右神皆竦雄姿逸態
 何峭崿顧影驕嘶自矜寵隅日青熒夾鏡
 懸肉駿礮礪連錢動朝來少試華軒下未
 覺千金滿高價赤汗微生白雪毛銀鞍却
 覆香羅帕刘云無紫要有風味卿家舊物公能取天
 廐真龍此其亞晝洗須騰涇渭深夕趨可
 刷幽并夜吾聞良驥老始成此馬數年人
 吏驚豈有四蹄疾於鳥不與八駿俱先鳴

時俗造次那得致雲霧晦冥方降精近聞

下詔喧都邑肯使麒麟地上行晉王濟解相馬杜預

嘗稱濟有馬癖張衡西京賦隅日高睚謂日有角也顏延年赭白馬賦雙瞳夾鏡

東坡志林秦川進一馬駿如牛領下垂毛生肉端蕃人云此肉駿馬也蔡夢弼注

連錢謂馬文點綴如錢西域傳武帝遣使者持千金請大宛國善馬涇渭二水

在西幽并二州在北相去幾千里赭白馬賦旦刷幽燕晝秣荆楚王彥輔云古之善

賦詩者工於用人渾然若出已意予於李杜兄之子美驄馬行晝洗須騰涇渭深夕

趨可刷幽并夜太白天馬歌雞鳴刷燕暮秣越皆用顏語也穆天子傳穆王乘八

駿之馬巡行天下 春秋考異記地生月精為馬雲霧晦冥龍多與馬交而龍馬生

蘇端薛復筵簡薛華醉歌

天寶十五載自奉先

避地鄜州 作下同

文章有神交有道端復得之名譽早愛客
滿堂盡豪傑開筵上日思芳草安得健步
移遠梅亂插繁花向晴昊千里猶殘舊冰
雪百壺且試開懷抱垂老惡聞戰鼓悲急
觴為緩憂心擣少年努力縱談笑看我形

容已枯槁坐中薛華善醉歌歌辭自作風
格老近來海內為長句汝與山東李白好

楊慎云山東當作東山白詩集序白何劉嘗以聲伎自隨効謝安石自號東山

沈謝力未工才兼鮑照愁絕倒諸生頗盡
新知樂萬事終傷不自保氣酣日落西風
來願吹野水添金杯如澆之酒常快意亦
知窮愁安在哉忽憶雨時秋井塌古人白
骨生青苔如何不飲令心哀

悲壯可喜○書正月十一日

注朔日也又見玉燭寶典 詩我心憂傷 怒焉如擣 何遜劉孝綽沈約謝朓鮑照 並齊梁間詞人 詩有酒如澗

哀王孫

天寶十五載鄜州作 時安祿山反哥舒翰領朔方兵守

潼關為賊所敗玄帝倉卒西幸夜半出延秋門諸嗣王公主皆不及從多見屠辱太子即位靈武是為肅宗

長安城頭頭白烏夜飛延秋門上呼又向

人家啄大屋屋底達官走避胡

劉云起如童謠省叙

事金鞭斷折九馬死骨肉不待同馳驅腰

下寶玦青珊瑚可憐王孫泣路隅問之不

肯道姓名但道困苦乞為奴已經百日竄

荆棘身上無有完肌膚高帝子孫盡隆準

龍種自與常人殊豺狼在邑龍在野王孫

善保千金軀不敢長語臨交衢且為王孫

立斯須昨夜東風吹血腥東來索駝滿舊

都朔方健兒好身手昔何勇銳今何愚癡

聞太子已傳位聖德北服南單于花門發

面請雪耻慎勿出口他人狙哀哉王孫慎

勿踈五陵佳氣無時無刘云忠臣盛心倉卒隱語備盡情態

○三國典畧侯景篡位令飾朱雀門其日有白頭烏萬計集於門樓童謠曰白頭烏

拂朱雀還與吳杜詩用景事比祿山也諸家未注漢書高祖為人隆準而龍顏

索駝產胡中賊自東都進故曰東來舊都長安也按史思明傳祿山陷南京以駝運

兩京御府珍寶于范陽回紇以花門為號即南單于發面謂披面示誠漢耿秉傳

匈奴聞秉死或梨面流血西都賦北睡五陵高惠景武昭五帝後漢書蘇伯阿

望春陵城曰氣佳哉鬱上葱上

曲江三章章五句 柳州作

曲江蕭條秋氣高菱荷枯折隨風濤游子

空嗟垂二毛白石素沙亦相蕩哀鴻獨叫

求其曹左傳君子不禽二毛注頭白有二色

二

即事非今亦非古長歌激越稍林莽比屋

豪華固難數吾人其作心似灰弟姪何傷

淚如雨宋玉風賦感石伐木稍殺林莽

水言金 卷三 十八季五 唐李石室

三

自斷此生休問天杜曲幸有桑麻田故將

移住南山邊短衣匹馬隨李廣看射猛虎

終殘年劉云雄豪放蕩語盡氣盡他人稱

藍田南山中嘗出獵見草中石以為虎而

射之中石没羽視之石也廣所居郡聞有

虎嘗自射之

矢不能入

悲陳陶

是年十月辛丑房瑄及祿山戰于陳陶斜敗績癸卯瑄又

咸陽縣唐書作陳濤

孟冬十郡良家子血作陳陶澤中水天清

野曠無戰聲四萬義軍同日死雖寫敗狀亦自楚楚

群胡歸來血洗箭仍唱胡歌飲都市胡兒

回面向北啼日夜更望官軍至漢書趙充國以六郡

良家子善騎射○趙注書謂夷狄殘擾房瑄雖敗績而都人不願胡兵討賊望官軍

至耳張縝云此見唐德在人未忘肅宗所以興復也

哀江頭

曲江為京都勝賞之地曲池坊南有南苑明皇與貴妃嘗

上

遊其間祿山反帝西幸行次馬嵬賜貴妃死而曲江亂後荒涼矣是詩中昭陽一人蓋以漢趙飛燕居昭陽殿比貴妃渭水在長安劔閣在蜀時帝尚留蜀未還長安云至德二載在賊中作

少陵野老吞聲哭春日潛行曲江頭

宮殿鎖千門細柳新蒲為誰綠憶昔霓旌

下南苑苑中萬物生顏色昭陽殿裏第一

人同輦隨君侍君側輦前才人帶弓箭唐制

內宮才人九人正五品白馬嚼嚙黃金勒翻身向天

仰射雲一箭正墮雙飛翼黃庭堅注作一


大夫妻射雉事明眸皓齒今何在血污遊魂歸不

得清渭東流劔閣深去住彼此無消息人

生有情淚沾臆江水江花豈終極黃昏胡

騎塵滿城欲往城南忘城北司馬溫公詩

子美詩江頭宮殿鎖千門細柳新蒲為誰綠因建紫雲樓落霞亭歲時賜宴又詔有司於兩岸建亭館焉○蘇穎濱子由云大雅縣九章頌太王遷幽建都邑營宮室而已至其入章迺及昆夷之怒其九章迺曰虞芮質厥成文王蹶厥生事不接文不屬



木言金

卷三

五

唐裴君室

如連山斷嶺相去絕遠而氣象聯絡此最
為文之高致耳若杜哀江頭詩其詞氣如
百金戰馬注坡驚澗如履平地得詩人遺
法白樂天詩詞甚工拙於絕學寸步不遺
猶或失之矣

